



IZVJEŠTAJ O AKTIVNOSTIMA 2022. PROJEKT LINK ZA SARADNJU/SURADNJU



**IZVJEŠTAJ O AKTIVNOSTIMA 2022.
PROJEKT "LINK ZA SARADNJU/SURADNJU"**

"Jačanje lokalnog učešća i saradnje kroz partnerstvo javnih
vlasti i OCD-a u Bosni i Hercegovini"

januar/siječanj, 2023.

SADRŽAJ

O NAMA.....	5
CILJEVI PROJEKTA	5
VIZIJA PROJEKTA	6
AKTIVNOSTI U 2022. GODINI	6
Prva polovina godine	6
Sastanci s predstavnicima 12 lokalnih samouprava	6
Sastanak konzorcija o provedbi ELoGE metodologije Vijeća Evrope.....	7
Online informativni sastanak: Promotivne i diseminacijske aktivnosti projekta	8
Sastanak projektnog konzorcija povodom prvog projektnog Forumu u Zavidovićima.....	9
Prvi projektni Forum u Zavidovićima	10
Zaključci i preporuke Forumu u Zavidovićima	11
ELoGE radionice sa lokalnim samoupravama obilježile početak iznimno važnog procesa samoprocjene	12
Više o ELoGE procesu kroz projekt LINK za saradnju/suradnju.....	13
Radionica o provedbi evaluacije ELoGE procesa	13
Nastavak ELoGE procesa s 12 lokalnih samouprava.....	14
Treći projektni e-bilten.....	15
Druga polovina godine	15
Javni poziv za OCD-ove za učešće na Akademiji za lidere.....	15
Preko 60 predstavnika lokalnih vlasti i OCD-a uspješno završilo treninge u okviru programa Akademija za lidere Vijeća Evrope.....	15
Sastanak predstavnika projektnog konzorcija	17
Mreža za participativnu demokratiju	18
Sastanak projektnog konzorcija povodom drugog projektnog Forumu u Prijedoru	18
Drugi projektni Forum u Prijedoru	19
Zaključci i preporuke drugog projektnog Forumu	20
Četvrti projektni e-bilten.....	21
Lokalne inicijative	21
Sastanci projektnog konzorcija u 2022. godini	21
Komunikacija, diseminacija i promocija projektnih aktivnosti.....	21



O NAMA

U svrhu kreiranja projekta **"Jačanje lokalnog učešća i saradnje kroz partnerstvo javnih vlasti i OCD-a u Bosni i Hercegovini"** (u daljnjem tekstu: "LINK za saradnju/suradnju"), Agencija lokalne demokratije (LDA) iz Mostara zajedno sa projektnim partnerima Agencijama lokalne demokratije iz Prijedora i Zavidovića, te Centrom za razvoj Hercegovine iz Trebinja, ALDA i ALDA Skoplje, oformila je raznolik i komplementaran konzorcij kako bi se maksimalizirao utjecaj aktivnosti u svakoj njegovoj komponenti. LDA-ovi iz Bosne i Hercegovine i Centar za razvoj Hercegovine imaju zajedničke kontakte kroz dosadašnji rad u različitim sferama, od lokalnog razvoja, inicijativa lokalnih zajednica, aktivnosti povezanih s mladima i drugim grupama u civilnom društvu, kulturnih i mnogih drugih aktivnosti. Projekt je koncipiran na način da uvažava specifičnu stručnost svakog partnera konzorcijuma, fokusirajući se na promociju dobrog upravljanja na lokalnoj razini u Evropi i na Zapadnom Balkanu.

Agencije lokalne demokratije osnovane su na Zapadnom Balkanu na inicijativu Kongresa lokalnih i regionalnih vlasti Vijeća Evrope 1992. godine, kao program podrške jačanju lokalne demokratije, poticanju poštivanja ljudskih prava i daljnjem održivom razvoju. Danas postoji 15 aktivnih agencija lokalne demokratije sa sjedištem na Zapadnom Balkanu, Južnom Kavkazu i Sjevernoj Africi koje koordinira ALDA, te tri agencije – operativna partnera sa sjedištem u Hrvatskoj. Agencije funkcionišu kao samoodržive, lokalno registrovane nevladine organizacije, ali se razlikuju od ostalih lokalnih NVO-a zbog međunarodnog okvira u kojem djeluju.

LINK za saradnju/suradnju trogodišnji je projekt finansiran sredstvima **Evropske unije**.



CILJEVI PROJEKTA

- ✓ Stvoriti čvršće veze sa građanima njihovim uključivanjem u proces javnih politika, dopiranjem do cijele društvene zajednice, uključujući marginalizovane grupe i lokalne zajednice podsticanjem građanskog aktivizma i učešća javnosti u kreiranju politika;
- ✓ Unaprijediti sposobnost, transparentnost i odgovornost lokalne samouprave;
- ✓ Povećati efektivnost OCD-a;
- ✓ Dosegnuti do lokalne samouprave na način da ona omogući politike i procedure za građanske inicijative lokalnih organizacija;
- ✓ Kreirati mreže OCD-a za izgradnju koalicija radi povećanog utjecaja na kampanje i zagovaranje.



VIZIJA PROJEKTA

- ✓ Projekt teži jačanju kapaciteta organizacija civilnog društva koje se bave procesima javnog zagovaranja kako bi postale obučene i pouzdane partnere za kreiranje politika i reforme unutar Bosne i Hercegovine.



AKTIVNOSTI U 2022. GODINI

Prva polovina godine

Sastanci s predstavnicima 12 lokalnih samouprava

Krajem 2021., te početkom 2022. godine predstavnici konzorcija projekta "LINK za saradnju/suradnju" održali su niz sastanaka s predstavnicima [12 lokalnih samouprava s područja Bosne i Hercegovine](#), koje su ujedno i korisnice projekta. Na sastancima su predstavljene implementirane aktivnosti tokom jednogodišnjeg provođenja projekta, te predstojeće aktivnosti među kojima je jedna od važnijih "grant" šema za civilni sektor u projektnom području koja će se realizirati u 2023. godini. Sastanci su bili prilika i za prezentaciju potencijalno interesantnih modela zajedničke promocije na [projektnom portalu](#) i društvenim mrežama projekta ([FB](#) i [Instagram](#)).

Fokus sastanaka bilo je predstavljanje programa [Evropska oznaka izvrsnosti u upravljanju – ELoGE](#) i [Akademija za lidere – LAP](#) kao izuzetno vrijednih alata Vijeća Evrope koji će dati novu dimenziju odnosima lokalnih samouprava i organizacija civilnog društva uključenih u ovaj projekt.



Sastanak konzorcija o provedbi ELoGE metodologije Vijeća Evrope

Na sastanku predstavnika projektnog konzorcija projekta "LINK za saradnju/suradnju" održanog u Mostaru, 8. februara/veljače, 2022. godine, pored redovne razmjene informacija među partnerskim organizacijama, održana je i **radionica o procesu provedbe metodologije ELoGE programa Vijeća Evrope** koja će se primjenjivati u 12 lokalnih samouprava obuhvaćenih projektom. Na radionici su utvrđeni koraci i materijali koji će biti korišteni kako bi ELoGE proces bio što jasniji korisnicima.



Treba naglasiti da je od oktobra/listopada do decembra/prosinca, 2021. godine, 16 predstavnika projektnog konzorcija prošlo obuku za trenere za provedbu ELoGE metodologije koju su održali vanjski stručnjaci delegirani od Vijeća Evrope, te su tako predstavnici konzorcija postali certificirani treneri za provedbu ELoGE programa.


ELoGE program obuhvaća proces samoprocjene djelovanja lokalnih samouprava u okviru 12 principa dobre lokalne uprave. Izvršena samoprocjena detektira jače i slabije segmente djelovanja lokalne samouprave, nakon čega slijede ciljane edukacije u svrhu poboljšanja istih.

Po završetku ELoGE radionice predstavnika projektnog konzorcija, započela je serija radionica s predstavnicima lokalnih ELoGE timova, delegiranih ispred 12 lokalnih samouprava, korisnica projekta "LINK za saradnju/suradnju".

Online informativni sastanak: Promotivne i diseminacijske aktivnosti projekta

Uoči pripreme za prvi projektni Forum, 9. marta/ožujka, 2022. godine, održan je [**online informativni sastanak na temu "Promotivne i diseminacijske aktivnosti projekta"**](#) s komunikacijskim službenicima 12 lokalnih samouprava u BiH koje su korisnice projekta "LINK za saradnju/suradnju".

Cilj sastanka bio je intenzivirati saradnju na planu promocije i diseminacije svih ključnih aktivnosti projekta s fokusom na ELoGE program Vijeća Evrope čije će službeno pokretanje biti upriličeno 17. marta/ožujka, 2022. godine u skopu prvog projektnog Foruma u Zavidovićima.



Sastanak projektnog konzorcija povodom prvog projektnog Forumu u Zavidovićima

Sastanak predstavnika projektnog konzorcija održan je 16. marta/ožujka, 2022. godine u Zavidovićima, u organizaciji projektnog partnera Agencije lokalne demokratije Zavidovići, a prethodio je "Forumu za razmjenu najboljih praksi saradnje OCD-a i lokalnih vlasti" koji je održan 17. marta/ožujka 2022. godine u Centar za Kulturu Zavidovići.

Predstavnici projektnog konzorcija napravili su detaljan pregled stanja do tada provedenih aktivnosti, razgovarali o detaljima održavanja Forumu, te se dotakli predstojećih aktivnosti projekta i finansijskog izvještavanja.



Prvi projektni Forum u Zavidovićima

U Zavidovićima je 17. marta/ožujka 2022. održan prvi projektni **Forum za razmjenu najboljih praksi saradnje organizacija civilnog društva (OCD) i lokalnih vlasti**.

Pored predstavnika međunarodne zajednice i predstavnika donatora, Forumu su prisustvovali i predstavnici lokalnih vlasti i OCD-a iz Berkovića, Jablanice, Kostajnice, Maglaja, Mostara, Nevesinja, Novog Grada, Prijedora, Ravnog, Trebinja, Zavidovića i Žepča, koji su zajednički identificirali konkretne izazove saradnje i iskazali spremnost za pronalaženje optimalnih rješenja za jačanje iste.



Središnji događaj Foruma bilo je **pokretanje ELoGE programa Vijeća Evrope u Bosni i Hercegovini**, osmišljenog da podrži zajednice u njihovoj potrazi za poboljšanjem svoje lokalne samouprave, a koji će se provoditi u 12 gradova i općina/opština obuhvaćenih projektom. Cilj je sprovesti samoprocjene tih gradova i općina/opština u skladu s 12 načela dobrog demokratskog upravljanja. Prva ELoGE akreditirana platforma u BiH koju čine predstavnici konzorcija projekta, kontinuirano će biti na raspolaganju gradovima i općinama/opštinama u procesu samoprocjene u narednim mjesecima.



Zaključci i preporuke Foruma u Zavidovićima

Prvi projektni Forum je imao dva glavna cilja:

1. Procijeniti stanje u pogledu saradnje lokalnih vlasti i civilnog društva u 12 lokalnih samouprava Bosne i Hercegovine
2. Pokrenuti ELoGE program u Bosni and Hercegovini



Zaključci i preporuke Foruma sažeti su u sljedećem **DOKUMENTU**.

ELoGE radionice sa lokalnim samoupravama obilježile početak iznimno važnog procesa samoprocjene

U periodu od marta/ožujka do juna/lipnja 2022. godine održane su **radionice o primjeni ELoGE programa Vijeća Evrope namijenjene predstavnicima 12 lokalnih samouprava u Bosni i Hercegovini**.

Radionice su održali predstavnici projektnog konzorcija, certificirani ELoGE stručnjaci, a obuhvatile su detaljnu prezentaciju ELoGE programa koji se oslanja na 12 principa dobrog demokratskog upravljanja. Poseban fokus stavljen je na metodologiju popunjavanja **ELoGE standarda (benchmark)** i paralelno **prikupljanje mišljenja građana, lokalnih izabranih zvaničnika i lokalne administracije putem upitnika**. ELoGE timovima delegiranim ispred svake od 12 lokalnih samouprava prezentirani su i primjeri dobre prakse iz zemalja članica Evropske unije, te je naglašena činjenica da je proces prolaska kroz ELoGE standard od iznimnog značaja za detektiranje svih eventualnih manjkavosti, kao i pozitivnih aspekata djelovanja lokalne samouprave.

Po završetku procesa ELoGE samoprocjene lokalnih samouprava, a na osnovu detektiranih problema u određenim područjima, naknadno su kreirani moduli edukacije koji se realiziraju kroz program **Akademija za lidere (LAP) Vijeća Evrope**, koji je također jedna od specifičnost projekta "LINK za saradnju/suradnju".





Više o ELoGE procesu kroz projekt LINK za saradnju/suradnju

ELoGE program Vijeća Evrope u kontekstu projekta "LINK za saradnju/suradnju"

podrazumijeva proces samoprocjene 12 lokalnih samouprava, korisnica projekta temeljen na 12 principa dobre lokalne uprave. Pored ispunjavanja temeljnog dokumenta – ELoGE standarda (benchmark) od strane lokalnih samouprava, paralelno se vrši i prikupljanje mišljenja građana, lokalne administracije (uposlenika lokalne samouprave) i izabranih lokalnih zvaničnika (vijećnika/odbornika) o kvaliteti rada i djelovanja lokalne samouprave putem online upitnika.

U skladu s ovom metodologijom, samoprocjena lokalne samouprave, te rezultati svih upitnika upućuju se na analizu nezavisnoj komisiji sastavljenoj od stručnjaka za lokalnu upravu, a članovi komisije donose konačnu ocjenu o zadovoljavanju minimalnih preduvjeta za dodjelu ELoGE certifikata i simbolične nagrade – ELoGE kristalnog dodekaedra. Kroz cijeli ovaj proces lokalne samouprave imaju kontinuiranu podršku predstavnika projektnog konzorcija, koji su ujedno i certificirani ELoGE treneri. U kontekstu toga, s predstavnicima ELoGE timova delegiranih ispred lokalnih samouprava, održane su ELoGE radionice, putem kojih je istima prenesena ELoGE metodologija i svi materijali s detaljnim pojašnjenjima koji se tiču provedbe ovog procesa.

 **Agencija lokalne demokratije Mostar, u svojstvu projektnog lidera, akreditirani je nositelj ELoGE platforme za BiH**, dok je 16 predstavnika projektnog konzorcija prošlo višemjesečnu obuku kako bi postali **certificirani ELoGE treneri**, te bili na raspolaganju jednicama lokalnih samouprava.

 **Važno je naglasiti da se ELoGE program Vijeća Evrope prvi put implementira na području Bosne i Hercegovine i to u sklopu projekta "LINK za saradnju/suradnju", te je BiH ujedno i prva država izvan Evropske unije u kojoj se ovaj program provodi.**

Ukupno 12 lokalnih samouprava s prostora Bosne i Hercegovine obuhvaćeno je aktivnostima projekta "LINK za saradnju/suradnju", s ciljem unaprijeđenja sposobnost, transparentnost i odgovornost istih.

Radionica o provedbi evaluacije ELoGE procesa

Radionica o evaluaciji ELoGE procesa samoprocjene lokalnih samouprava održana je 7. maja/svibnja 2022. godine u Sarajevu u organizaciji Agencije lokalne demokratije Mostar.

Radionica je realizirana s ciljem prenošenja evaluacijske metodologije i procedura nezavisnoj ELoGE komisiji koju čine eksperti/ce iz oblasti lokalne uprave.

Nezavisna komisija donosi konačnu odluku o tome koje od 12 lokalnih samouprava, korisnica projekta "LINK za saradnju/suradnju", zadovoljavaju kriterije standarda ELoGE programa koji počiva na 12 principa dobre demokratske uprave.



Nastavak ELoGE procesa s 12 lokalnih samouprava

Sredinom 2022. godine predstavnici 12 lokalnih samouprava započeli su provedbu ELoGE programa Vijeća Evrope kroz projekt "LINK za saradnju/suradnju". Ovaj opsežan proces samouprocjene vlastitih kapaciteta koji se bazira na 12 principa dobre lokalne uprave je zapravo alat koji duboko skenira sva područja djelovanja lokalne samouprave i



ELoGE

Evropska oznaka izvrsnosti u upravljanju



odličan orijentir i osnova s koje općine/opštine i gradovi mogu učiniti poboljšanja u svim područjima u kojima se detektiraju manjkavosti. Agencija lokalne demokratije Mostar nositeljica je prve i jedine akreditirane platforme za provedbu ELoGE metodologije u Bosni i Hercegovini, koju još čine i ostale članice projektnog konzorcija. Ukupno 16 predstavnika ove platforme certificirano od Vijeća Evrope za provedbu ELoGE-a, te da su tokom provedbe ovog procesa kontinuirano na raspolaganju lokalnim samoupravama.

U skladu s ELoGE metodologijom, predstavnici lokalnih samouprava imaju zadatak popuniti temeljni ELoGE dokument, tzv. ELoGE standard (benchmark) koji se temelji na 12 principa dobre lokalne uprave, a uz koje je vezano preko 90 indikatora. Ocjene koje sebi dodjeljuje lokalna samouprava svoje uporište moraju imati u priloženoj dokumentaciji, koja potkrepljuje iste. Paralelno s popunjavanjem ELoGE standarda, prikuplja se mišljenje građana, lokalne administracije i izabраниh zvaničnika putem ELoGE upitika, koji se također temelje na 12 principa dobre lokalne uprave. Premda stavovi prikupljeni putem upitnika ne utječu direktno na samoprocjenu koju vrši lokalna

samouprava, oni služe kao poredba i orijentir ELoGE neovisnoj komisiji o stupnju razmimoilaženja stavova i mišljenja.

Samoprocjena lokalne samouprave potom se upućuje na analizu neovisnoj komisiji sastavljenoj od stručnjaka za lokalnu upravu, a članovi komisije donose konačnu ocjenu o zadovoljavanju minimalnih preduvjeta za dodjelu ELoGE certifikata i simbolične nagrade – ELoGE kristalnog dodekaedra.

Treći projektni e-bilten



U julu/srpnju 2022. godine kreiran je **treći** projektni e-bilten koji je poslan na više od 600 e-mail adresa u Bosni i Hercegovini i promoviran putem zvanične web platforme projekta i socijalnih mreža. Treći e-bilten je izdat i na **engleskom jeziku**, te poslan na preko 100 e-mail adresa u zemljama EU.

Druga polovina godine

Javni poziv za OCD-ove za učešće na Akademiji za lidere

Krajem augusta/kolovoza 2022. godine, Agencija lokalne demokratije Mostar raspisala je



javni poziv za učešće predstavnika OCD-a u ciklusu treninga u okviru programa Akademija za lidere (LAP), koji se provodi u sklopu projekta "LINK za saradnju/suradnju". Trening je namijenjen OCD-ovima registrovanim u BiH, a koja djeluju na području 12 gradova/općina/opština kao i mjestima koja gravitiraju navedenima: Berkovići, Jablanica, Kostajnica, Maglaj, Mostar, Nevesinje, Novi Grad, Prijedor, Ravno, Trebinje, Zavidovići i Žepče.

Preko 60 predstavnika lokalnih vlasti i OCD-a uspješno završilo treninge u okviru programa Akademija za lidere Vijeća Evrope

Tokom septembra/rujna i oktobra/ listopada 2022. godine, u sklopu projekta "LINK za saradnju/suradnju", Agencija lokalne demokratije Mostar (LDA Mostar) je implementirala **seriju treninga kroz program Akademija za lidere (LAP) Vijeća Evrope**. Trening je namijenjen predstavnicima jedinica lokalne samouprave i organizacija civilnog društva iz Berkovića, Jablanice, Kostajnice, Maglaja, Mostara, Nevesinja, Novog Grada, Prijedora, Ravnog, Trebinja, Zavidovića i Žepča.



LAP trening podjeljen u dva ciklusa, uspješno su završile tri grupe polaznika. Više od 60 učesnika/ca, pod vodstvom LAP trenera certificiranih od Vijeća Evrope, prošlo je intenzivan program putem kojega su imali priliku razmijeniti postojeće prakse svojih institucija i organizacija, detektirali manjkavosti rada, te na osnovu naučenog pokušali iznaći moduse za poboljšanje istog.



Moduli treninga odabrani su na osnovu do sada izvršene procjene stanja i potreba ciljnih skupina uključujući još aktivan višemjesečni proces samoprocjene 12 lokalnih samouprava obuhvaćenih projektom, te upitnik upućen predstavnicima OCD-a iz istih 12 općina/opština i gradova.

Program Akademija za lidere (LAP) je program osposobljavanja prvenstveno namijenjen javnim vlastima na različitim razinama za strategije i izgradnju kapaciteta koji se podučavaju u 2 ciklusa. Svrha programa je naučiti sudionike boljim vještinama vođenja, upravljanja i planiranja.



Glavni cilj LAP-a je usvajanje znanja i alata koji će sudionicima omogućiti bolje upravljanje odgovornošću i promjenama unutar institucija iz kojih dolaze. U cilju podržavanja procesa demokratizacije, kroz jačanje dobre uprave i izgradnje kapaciteta lokalnih vlasti i civilnog društva, Agencija lokalne demokratije Mostar u saradnji s projektnim partnerima, kroz ciklus treninga uključila je i predstavnike civilnog društva u navedeni Program.

Sastanak predstavnika projektnog konzorcija

Trening u okviru Akademije za lidere u Trebinju bio je prilika za organiziranje redovnog sastanka predstavnika projektnog konzorcija, koji je održan 25. oktobra/listopada, 2022. godine u Trebinju. Fokus sastanka bile su pripreme za početak organizacije drugog projektnog Foruma u Prijedoru. Pored planiranja projektnog Foruma predstavnici projektnog konzorcija evaluirali su do sada provedene aktivnosti, te definirali pristup implementaciji predstojećih aktivnosti.



Mreža za participativnu demokratiju



U okviru projekta, uspostavljena je i neformalna Mreža za participativnu demokratiju koja pored 12 jedinica lokalne samouprave obuhvaćenih projektom, okuplja i organizacije civilnog društva koje su registrovane na području ovih 12 lokalnih zajednica. Cilj Mreže je razmjena iskustava, umrežavanje i uspostavljanje čvršće saradnje između OCD-a i lokalnih vlasti. Do sada su članice Mreže imale priliku za edukaciju i razvoj kapaciteta svojih

organizacije kroz program LAP Vijeća Evrope, a u 2023. godini, OCD-ovi, članice Mreže, će imati i priliku da apliciraju za sredstva kroz grant shemu koja je sastavni dio treće godine projekta. Organizacije koje postanu članice Mreže također će imat priliku potpisati online protokol (memorandum o razumijevanju) s jedinicama lokalnih samouprava u svrhu razvoja odnosa i kontinuirane saradnje.

Sve zainteresirane organizacije civilnog društva iz Bosne i Hercegovine pozvane su da se priključe Mreži putem jednostavnog [online formulara](#).

Sastanak projektnog konzorcija povodom drugog projektnog Forumu u Prijedoru

[Sastanak predstavnika projektnog konzorcija](#) održan je 08. decembra/prosinca, 2022. godine u Prijedoru, u organizaciji projektnog partnera Agencije lokalne demokratije Prijedor, a prethodio je drugom projektnom "Forumu za razmjenu najboljih praksi saradnje OCD-a i lokalnih vlasti".

Predstavnici projektnog konzorcija dogovorili su posljednje detalje uoči Forumu u Prijedoru, prezentirali aktivnosti provedene u prethodnom razdoblju, te se dotakli predstojećih aktivnosti projekta i detalja vezanih uz finansijsko izvještavanje.



Drugi projektni Forum u Prijedoru

Drugu godinu projekta "LINK za saradnju/suradnju" zaokružili smo drugim projektnim **Forumom za razmjenu najboljih praksi saradnje organizacija civilnog društva (OCD)** i lokalnih vlasti koji je održan u Prijedoru, 9. decembra/prosinca, a okupio je preko 60 učesnika s područja 12 lokalnih zajednica obuhvaćenih projektom.



Pored predstavnika međunarodne zajednice, Forumu su prisustvovali stručnjaci za lokalnu samoupravu i predstavnici lokalnih vlasti i OCD-a iz Berkovića, Jablanice, Kostajnice, Maglaja, Mostara, Nevesinja, Novog Grada, Prijedora, Ravnog, Trebinja, Zavidovića i Žepča, koji su zajednički identificirali konkretne izazove suradnje i iskazali spremnost za pronalaženje optimalnih rješenja za jačanje iste. Na Forumu je također izvršena procjena uticaja i važnosti, kroz projekt provedenog, ELoGE procesa i programa

Akademije za lidere (LAP) Vijeća Evrope kao ključnih alata u kontekstu pridruživanja Evropskoj uniji.



Zaključci i preporuke drugog projektnog Forumu

Drugi projektni Forum imao je dva glavna cilja:

1. Procijeniti stanje u pogledu saradnje lokalnih vlasti i civilnog društva u 12 lokalnih samouprava Bosne i Hercegovine
2. Izvršiti procjenu uticaja i važnosti, kroz projekt provedenog, ELoGE procesa i programa Akademije za lidere (LAP) Vijeća Evrope kao ključnih alata u kontekstu pridruživanja Evropskoj uniji

Zaključke i preporuke sa Forumu u Prijedoru pronađite u sljedećem **DOKUMENTU**.



Četvrti projektni e-bilten



U decembru/prosincu je isporučen, objavljen i promoviran [četvrti](#) e-bilten projekta "LINK za saradnju/suradnju" koji donosi pregled aktivnosti implementiranih u drugoj polovini 2022. godine s posebnim osvrtom na projektni Forum u Prijedoru, ELoGE proces, te ciklus treninga proveden kroz program Akademija za lidere. E-bilteni je također distribuiran i objavljen i na [engleskom jeziku](#).

Lokalne inicijative



Projekt "LINK za saradnju/suradnju" pruža mogućnost promocije uspješnih inicijativa koje su donijele pomak u području "dobrog upravljanja" (good governance) u lokalnim zajednicama, a koje su potekle od organizacija civilnog društva ili neformalnih grupa. Ako ste kroz svoj rad već provodili ili namjeravate provesti inicijativu ovog tipa, ispunjavanje jednostavnog [online formulara](#), pruža vam priliku za promociju putem projektne web platforme i socijalnih mreža.

Sastanci projektnog konzorcija u 2022. godini



Predstavnici projektnog konzorcija kojeg čine Agencija lokalne demokratije Mostar u svojstvu projekt lidera, LDA Prijedor, LDA Zavidovići, Centar za razvoj Hercegovine (CRH), Evropska asocijacija za lokalnu demokratiju – ALDA, te ALDA Skopje, održali su u 2022. godini 8 redovnih (3 uživo i 5 online) i 8 ad-hock sastanaka (1 uživo i 7 online). Sastanci projektnog konzorcija održavaju se s ciljem planiranja, koordinacije i nadzora implementacije projektnih aktivnosti. U 2022. godini predstavnici konzorcija su iskoristili brojne prilike da što detaljnije i preciznije planiraju implementaciju svih aktivnosti. Posebna pozornost je posvećena planiranju i implementaciji dva projektna Foruma u Zavidovićima i Prijedoru, provedbi ELoGE procesa u 12 lokalnih samouprava BiH, te Akademiji za lidere i formiranju Mreže za participativnu demokratiju.

Komunikacija, diseminacija i promocija projektnih aktivnosti



Redovna komunikacija i diseminacija, kao i ciljana promocija projektnih aktivnosti vrši se u skladu sa usvojenom komunikacijskom strategijom i komunikacijskim planovima, a implementira se putem zvanične [web stranice projekta](#) i online alata [FB stranice](#) i [Instagram profila](#). Informacije o provedbi projektnih aktivnosti se u formi konferencija za medije, izjava za medije, priopćenja za javnost ili na medijski poziv diseminiraju široj javnosti, te su u pravilu dobro promovirane kroz tradicionalne i nove medije u okviru granica Bosne i Hercegovine.

Pored redovne diseminacije informacija o projektnim aktivnostima, u 2022. godini provedene su i targetirane promotivne kampanje na socijalnim mrežama, a koje su za cilj imale povećati vidljivost projekta i projektnih aktivnosti.

Tako je primjerice FB stranica projekta sa 369 pratitelja zabilježenih na kraju 2021. godine, krajem 2022. godine stekla ukupan broj od 760 pratitelja, s ukupnim rastom posjeta stranice u 2022. godini od 2.176 (228.7%) i dosegom sadržaja na 183.453 (332.6%) posjetitelja.

Broj pratitelja Instagram profila povećao se za 39 u 2022. godini što čini ukupnu brojku od 116 pratitelja, dok su u istoj godini ovaj profil posjetile 603 osobe (112.3%) s ukupnim dosegom sadržaja na 28.050 (31.000%) posjetitelja.



Više informacija o projektu **"LINK za saradnju/suradnju"** i njegovim aktivnostima na www.link4cooperation.ba, FB stranici i Instagram profilu ili nas kontaktirajte putem e-maila: info@link4cooperation.ba.



**Finansira
Evropska unija**

Ovaj izvještaj aktivnosti je urađen uz podršku Evropske unije. Sadržaj izvještaja je isključiva odgovornost Agencije lokalne demokratije Mostar i ne odražava nužno stavove Evropske unije.